



Broj: 01-19-687/23-12  
Mostar: 23.11.2023.godine

Na osnovu člana 64. Stav (1) tačka b), člana 70. stavovi (1), (3) i (6), člana 89. Zakona o javnim nabavkama („Službeni glasnik BiH“ broj: 39/14 i 59/22), člana 8. stav (2) tačke d) Pravilnika o uspostavljanju i radu Komisije za nabavke („Službeni glasnik BiH“ broj: 103/14), člana 4. Pravilnika o unutrašnjoj organizaciji Agencije „Stari grad“ („Službeni glasnik Grada Mostara“ broj: 4/06) i na osnovu Rješenja Gradonačelnika o imenovanju direktora broj UP I:02-36-2462/05 od 26.03.2007. godine, te na osnovu preporuke Komisije za nabavke utvrđene u zapisniku o pregledu i ocjeni ponuda broj: I-19-275-10/23 od 05.05.2023. godine u postupku javne nabavke putem konkurentskog zahtjeva za dostavu ponuda za nabavku radova: Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul. Bajatova 1, JRJN: 45454000-4, direktor „Agencije Stari grad“, donosi

### **ODLUKA** **o izboru najpovoljnijeg ponuđača**

#### **Član 1.**

Prihvata se Preporuku Komisije za nabavku, koja je utvrđena u zapisniku o pregledu i ocjeni ponuda broj: 01-19-687/23-11 od 22.11.2023, postupak javne nabavke za radove putem konkurentskog zahtjeva za dostavu ponuda, JRJN: 45454000-4, Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul. Bajatova 1, dodjeljuje se ponuđaču GD „Bišina“ d.o.o. Mostar sa sjedištem u Ul. Brkića br. 6a, 88000 Mostar, ponuda broj: 20/11-23 M.E., dostavljena dana 20.11.2023. godine, za ponuđenu cijenu od 50.346,27 KM sa PDV-om, (pedesethiljadatristotinečetrest KM 27/100), kao najpovoljnijem ponuđaču.

#### **Član 2.**

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45. Zakona o javnim nabavkama, kao i original ili ovjerenu kopiju Ovlaštenja za obavljanje djelatnosti građenja/izvođenja radova kojim ponuđač dokazuje da ispunjava uslove za obavljanje djelatnosti izvođenja radova zaštite, konzervacije i rehabilitacije nacionalnih spomenika izdano od strane Federalnog ministarstva prostornog uređenja na osnovu člana 67. stav (5) i člana 81. stav (1). Uredbe o uređenju gradilišta, obaveznoj dokumentaciji na gradilištu i učesnicima u građenju („Sl. novine FBiH“, broj: 25a/22, 42/22 i 93/22). Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, Ugovorni organ će donijeti Odluku o poništenju postupka nabavke u skladu sa članom 70. stav (4) Zakona o javnim nabavkama.

#### **Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 5 (pet) dana, računajući od dana kada su svi ponuđači obavješteni o izboru najpovoljnije ponude.



**Član 4.**

Ova Odluka objaviće se na internet stranici Agencije "Stari grad" ([www.asgmo.ba](http://www.asgmo.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav(6) Zakona o javnim nabavkama.

**Član 5.**

Za izvršenje odluke zadužuje se i ovlašćuje Anto Šain, viši stručni saradnik u Agenciji „Stari grad“.

**Član 6.**

Ova odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71.stav (2) Zakona o javnim nabavkama BiH.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 01-19-687/23 od 08.11.2023.godine. Komisija za nabavke imenovana je rješenjem direktora Agencije „Stari grad“ broj: 01-19-687/23-2 od 08.11.2023.godine.

Javna nabavka za radove je sprovedena putem konkurentskog zahtjeva za dostavu ponuda, JRJN: 45454000-4, Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul. Bajatova 1, objavom Obavještenja o nabavci sa tenderskom dokumentacijom na portalu javnih nabavki broj: 1235-7-3-30-3-22/23 od 10.11.2023.godine i na internet stranici Agencije „Stari grad“ ([www.asgmo.ba](http://www.asgmo.ba)).

Procijenjena vrijednost javne nabavke je 43.034,19 KM bez uračunatog PDV.

Komisija za nabavku je dana 21.11.2023.godine sa početkom u 12 sati i 15 minuta izvršila uvid u jednu dostavljenu ponudu koja je stigla blagovremeno te je pravilno izvršeno otvaranje i pregled iste o čemu je sačinjen zapisnik o otvaranju ponuda broj: 01-19-687/23-10 od 21.11.2023.godine, u kojem je utvrđeno slijedeće:

Do 21.11.2023. godine do 12:00 sati blagovremeno je zaprimljena ukupno jedna (1) ponuda i to od ponuda GD „Bišina d.o.o. Mostar sa sjedištem u Ul.Brkića br.6a, 88000 Mostar, koja je dostavljena 20.11.2023. godine u 13 sati i 45 minuta a ukupna cijena ponude: 50.346,27 KM sa PDV-om (pedesethiljadatristotinečetrestšest KM 27/100).

Neblagovremenih ponuda nije bilo.

Na osnovu člana 3. tačka 3) Pravilnika o uslovima i načinu korištenja E-aukcije, u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama, što je bio slučaj u ovom postupku. Zapisnik o otvaranju ponuda odmah je dostavljen jedinom ponuđaču koji je potvrdio prijem.

Na osnovu naprijed navedenog Komisija za nabavke je dana 22.11.2023.godine izvršila pregled i ocjenu ponuda, a u skladu sa uslovima naznačenim u tenderskoj dokumentaciji broj: 01-19-687/23-8 od 10.11.2023. godine i utvrdila u skladu sa Obavještenjem o nabavci broj: 1235-7-3-30-3-22/23 od 10.11.2023. godine, te na osnovu člana 65. stav (2) pod (f) Zakona o javnim nabavkama BiH („Službeni glasnik BiH“, broj:39/14) i analizom jedine dostavljene i prihvatljive ponude da je ponuda ponuđača GD „Bišina“ d.o.o. Mostar je ponuda ocjenjena kao najpovoljnija i tehnički prihvatljiva ponuda..



Komisija za javne nabavke dostavila je direktoru Agencije „Stari grad“ zapisnik o pregledu i ocjeni ponuda broj: 01-19-687/23-11 od 22.11.2023. godine i Prijedlog za donošenje Odluke o izboru najpovoljnijeg ponuđača, da se ugovor za radove u postupku nabavke za: Projekat izvođenja radova na rehabilitaciji ratom devastiranog stambenog objekta „Vlahina kuća“ u Mostaru, u ul. Bajatova 1, dodjeli ponuđaču GD „Bišina“ d.o.o. Mostar, iz razloga što je njihova ponuda ocjenjena kao ponuda sa najnižom cijenom uz udovoljavanje svih zahtjeva iz tenderskog dokumenta.

U postupku ocjene provedenog postupka Direktor Agencije „Stari grad“ nije našao razloge nepravilnosti niti propusta u radu, koji bi eventualno bili osnov za neprihvatanje Prijedloga Komisije za nabavku.

Uvidom u priloženu dokumentaciju neosporno je da je izabrana firma GD „Bišina“ d.o.o. Mostar, dostavila zadovoljavajuću ponudu sa najnižom cijenom, odnosno najpovoljniju ponudu, a u skladu sa uslovima naznačenim u tenderskoj dokumentaciji broj: 01-19-687/23-8 od 10.11.2023. godine i Obavještenju o nabavci broj: 1235-7-3-30-3-22/23 od 10.11.2023. godine.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskoj dokumentaciji.

Iz navedenog razloga, primjenom člana 64. stav (1) tačka b) Zakona o javnim nabavkama, člana 70. stavovi (1), (3) i člana 89. Zakona o javnim nabavkama („Službeni glasnik BiH“ broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“ broj: 103/14) i člana 4. Pravilnika o unutrašnjoj organizaciji Agencije „Stari grad“, direktor Agencije „Stari grad“ odlučio je kao u članu 1. ove Odluke.

#### PRAVNA POUKA:

U skladu sa članom 101. stav (5) Zakona o javnim nabavkama („Službeni glasnik BiH“ broj: 39/14 i 59/22), protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi direktno, elektronskom putem ili preporučenom poštanskom pošiljkom na adresu:

AGENCIJA „STARI GRAD“, Ul. M. Tita 170 (172), 88000 Mostar.

Žalba se podnosi u najmanje (3) tri primjerka.

Prilog: Zapisnik o pregledu i ocjeni ponuda broj: **01-19-687/23-11 od 22.11.2023. godine.**



Direktor:

Miralem Fajic, dipl. pravnik

Dostaviti:

1. GD „Bišina“ d.o.o. Mostar  
sa sjedištem u Ul. Brkića br. 6a, Mostar
2. Administratoru web-stranice (www.asgmo.ba)
3. a/a